



MARA EVANGELICAL CHURCH

VACHHUH

MONTHLY NEWSLETTER



Editorial

Myanmar General Election he 2019 MEC Assembly (Peite) tawhta a vaw sai chhilipa a châ. 2019 Hakha seminar liata “Krizyha nata phopi paduana” tahpa biepi hmâpa ta achuna eima hnei. Biehmia liata Rev. C. Sitlo (ES: Education) ta a vaw y awpa Myanmar rân election saipazipa ta he achuna hneipa a cha tahpa a reih. 2020 kôthiepa biepipa chhao cha Zawsua 1:9 châta eima rân paduatuh awpazy châta bie yzie hnei kawpa eima vaw hmâ hra. Thokha nôpawzy ta Mara People Conference tao thei nawpa ta MEC he a chabî-tôkâ miah châpa ula, ama hawhta Mara rânchhôn Awnanopa py zy, NGOs nata Civil Society chhihtuhpazy awpa ta meeting eima hnei. March lia tao awpa tarawpa cha ta Covid vâta tao thaipa a cha khao vei. Achôla liata hmo yzie zydua eima syhpahmaoh khiah cha Marasaw ta Sawhkha ryureina dyuchhai liata pakha chhâ a y thei awpa he a thlachha khei chaina a châ. Ryureina dyuchhai liata kheita eima tyu thei aw tahpa deikua cha Khazohpa pachhuahpanohpa châ awpa he eima hnabeiseihna a châ. Izarei sawzy ta Pachhatuhpa vaw pi awpa he dâhphi ngasapa ta hâ chaima eita, chahrasala kô 700 a pha nahta Zisu vaw pi ta, a daihti aki haw tahpa a châ. Khaziamâ chatlu ta ahawsâh tahpa cha khizaw chyhsa ta pahno thei vei. Zisu chhao tlai cha Izarei saw a thaisohpa abei a tahpazy ta Messiah a châ tahpa a pyh thei leipa hluhpi a ma y hra. Zisu ama hiahri nota ei hmotaopa he mo u la, tahpa dei achypa eima hmô. Chavâta Myanmar rân General Election he thlachhana chôta a chhuahno chyupa châta eima palôh phao liata achhuahna he chyhsa eih châ ta hlaotlohna he Khazohpa eih a châ tahpa a thei lyma awpa a pha. Hlatlohna he chyhsa ta âchhuahna liata a y atatuhpazy he election khai tawhta buana apazi thai kaw. Ama hlaotlohna cha ahy vâta tahpa rei eita cha hawhta a tloh vei khia cha ahy vâta tahpa maochhiena ama hnei tyh. MEC ta election châta thla a chha chaipa cha

Khazohpa liata eima hlaotlohna nata tlo leina y mawh sy! tahpa he a châ.

Mission Department

Laymyo nata Laytu fiedlzy apha chyha ta thâtih eima dao, field hropazy deikua adyuhna vâta a rân nata Awnanopa hriatuhpazy ama riethei ngâsâ. Thlachha bao via lymâ suh vy. Eima Awnanopa liata khizaw potlana vâta achhyna eima pangai thei leipa chhao ta chhônkhka chakaona ahmana a thatlo via lymâ. He potlana heta eima pôkha. Chhônkhka chakaona, angiapâna tha miah patlô kawpa ta eima pahno. Thâtihpha tlôh noh “Vaili mahpaw patinie hruana (Thatihpha Alyna Sôh) kô hropa hlâta a hluh viapa kyh thatih daopa a châ. Thyuna sôh chhao Office lâ thlai nama vaw patlôsa thei awpa eima cha haw. Beiparih sôh nata hmopha taona liata diathla leipa ta thlahchhâna chôta ahlâ via lymâ chyuh suh vy!

2020 Nov. 2 noh taihta TAS sôh Lialaipei Office liata a vaw ngiapazy cha he hawhta a châ.

1. Lialaipei Vaihpi	Ks. 13,77,450/-
2. Lialaipei (A)	Ks. 9,01,100/-
3. L. Station	Ks. 6,45,350/-
4. Matupi	Ks. 17,95,000/-
5. Pasai	Ks. 4,31,250/-
6. Taubu (A)	Ks. 4,53,800/-
7. Taubu New	Ks. 1,05,500/-
8. Lialaita New	Ks. 4,71,800/-
9. Lialaita Old	Ks. 1,30,000/-
10. Chali	Ks. 2,55,000/-
11. Bakala	Ks. 70,000/-
12. Salyu	Ks. 1,15,000/-
13. Sahmi	Ks. 2,87,000/-
14. Aru	Ks. 2,48,750/-
15. Teina	Ks. 1,61,800/-
16. Sôsai A	Ks. 74,000/-
17. Sôsai New	Ks. 2,08,100/-

KTP Department

Ei (34)na MEC KTP Central Conference Ryureina hruana cha Local KTP to lâta paphaopa a châ haw. Hruana châ ahmô leipazy nama y pathlei khiah Office lâ azaona miah nama hnei chatlie awpa ta eima cha naoh! Atakô KTP Estimated Budget cha NPS. 2,000,000/- LTS 6,500,000/- châ ta, atahmâ total Income NPS 1,980,180, LTC 2,945,000 a châ chyh. Local KTP sôhzy pangiah chatlie bâ suh vy! Local KTP sôh zydua cha 15 December 2020 hlâta office lâ pangia khaipa a châ aw. Krista liata chakaolâhpa Ls. Kyi Kyi khai (KTP Secretary, Yangon). Lialaita New khih cha Covid-19 positive a châ hawpa vâta atahmâ Hospital liata mohô haipa a châ. Tlahna a vaw hmô chatlie thei nawpa ta thlahchhâ abao chyu suh vy.

Rev. Dr. Laiu Fachhai a pension haw

Rev. Dr. Laiu Fachhai cha MEC/ECM liata vaw chakao lymâpa ta, atakô 2020 liata pension ba awpa a châ. Awnanopa liata Awnanopa nôpaw rai a vaw chakao chhôn ta, châbu hluhpi ropa ta, pachuna pha kawpa ta mia vaw hnei lymâ. Atahma cha Mara Biehrai paliena liata tôhpi a phia chaipa a châ. A chakaona nata hro tawhta awnanopazy achu awpa bie ryuhi hluhpi miah a piepazy vâta eima ly hmeiseih. A chakaona liata amopâ awpa hluhpi hry liata sâkha cha ano a pesawh nahta ahmô awpa pension fund Rs. 9,00,000/- liata Rs. 7,00,000/- cha MTC Building sanawpa nata, Rs. 1,00,000/- cha MTC Student zy hryta rairu viapa zy châta a piekhai haw.

Râh KNP nohkha thlachha paraohna

MEC/ASS. 180/2020 bie hawhta Râhchhôn KNP ta nohkha thlachha aparaozna cha Oct. 10, 2020 (Sat) noh ta Local KNP to ta hneipa a châ. Atakô liata local KNP tawhta thlachha ahawna biepipa hluhpi miah ama vaw paphaopa heta, awnanopa ta thlahchhana byhna eima lyma zie thata a palasa kaw. Covid daiti a châpa vâta achhyna o liata maokha ta thlachhana tao theipa châ leipa ta, Lialaipi bia chhôn liata cha a py ta a pachhaihpa ta thlachhana hmâpa a châ. Noh hropa hlâta thlachhana Program liata chyhsa ama hluh via. “Na aw la, ei cha chhy aw (Jer. 33:3)” tahpa biepi hmâpa a châ. Chhônkhâ

maihsa tawhta Khazohpa awhsao awpa apeimawhzie, chhônkhâ maihsa pasipakao via awpa âbyuhpa ta pahnopa a châ. Kô hro hlata atakô he nônawhzy cha Khazohpa ama vâ viapa hawhta a lâ. Kaokha lâta cha Covid byhna khia mawh tah nga awpa a châ.

MMM châta dyuchhai a piepasaipazy

2020 kô liata 3M (COME) tawhta 10th standard a pass-pa mo (10) tawhta နိုင်ငံ ကုလားထိုင် a piepasaipa, a ry liata palasapa siku hawtazy lâta alyna bie eima hlâ.

- ၁။ မရွှေစိထွန်း လိုင်လင်းဝိမြို့
- ၂။ မငွန်ထက်ခိုင် လိုင်လင်းဝိမြို့
- ၃။ မဆိုရိုးလင်း လိုင်လင်းဝိမြို့
- ၄။ မောင်ဘီးဇော်ရီ ဆဘောင်းဝိ
- ၅။ မောင်ဗန်မှိုဆန် ဆဘောင်းဝိ
- ၆။ မငွန်လီစတာ ဆဘောင်းဝိ
- ၇။ မငိုဒီး ဆဘောင်းဝိ
- ၈။ မခေရိုး ဆဘောင်းဝိ
- ၉။ မောင်ငွန်ဆန်းအောင် ဆဘောင်းဝိ
- ၁၀။ မောင်ဆီးဇာလျန် ရှင်းလက်ဝ

3M (COME) pahyna thâtih siano mâh vei

2020-2021 achuna kô liata Covid -19 potlana vâ heta August (27) siku khawpa a châ. Siku pahyna noh sianô mah vei; Sawhkha tawhta pahy pasaina pie tita local church to lâta thatih thlai eima cha vaw pahnosa aw.

Pastor Aung Myint nô achhih kaw

Eima chakaolahpa Pro. P. Aung Myint (Chali biatuhpa) cha Ls. Awrezi (Lialaipi) nata October 18, 020 (Sunday) noh ta Lailenpi (A) local church “Hrochhôn ta ei hnei lyma aw” tahpa ahneina kyhchhhi rôhnâpa a tao haw. Covid-19 daihti a châpa vâta awnanopa zawpi nata chakaolahpazy eima hlao thei leipa chhao ta, palôn hmeihseihpa ta eima lykhei. Khazohpa ta chhônkhâ thiehpa ama paduana liata byhna pie mawh sy, tahpa ta Office tawhta byhna eima awpâ.

Lorrain Scholarship piepa

Mara Awnanopa ta achuna ta achuna tha patlô lyma thei nawpa ta kô ta to ta, University nata High School

liata siku hawtazy lâta Lorrain Scholarship raipa a châ. Atakô cha Covid-19 vâta siku khaw khaipa a châpa chhao ta, siku hawti thokhazy lâta Oct 15, 2020 noh ta ei (1)na scholarship raipa a châ. Siku pahy tawhta ei (2)na rai awpa a châ.

Mara Special Student hnoh ta he hawhta raipa a cha.

1. John Beingiachhie (B.A Final), Sabyhpi
2. Lysôh Khihtheih (B.A Final), Sabyh
3. Va Awsi Khithieh (B.A Final), Sabyh
4. Mary Nusô (B.Sc (Nursing), Sabyh
5. Beikhaihre Teikhu (B.A III), Sabyh
6. Beisôchai Chozah (B.A III), Sabyhpi
7. Teivao Malao (B.A III), Ralie
8. Ngôzange (M.Sc Thesis), Rari
9. Thangpuii (M.Sc II), Patheitla
10. John K. Salai (B.A (Marketing), Lilaipi
11. John Smith (MBBS I), Hlôma
12. Ngôhlaite (M.Eco Thesis), Meisakôtle



Chatawhta Mararah High School mia (12) tawhta mo (60) hnoh ta mo pakha ta Ks. 50, 000/- chy rai awpa a châ aw. Lialaipi High School tawhta mo (6), Global New Era Private High School tawhta mo (3) nata COME (MMM) siku tawhta mo (6) rai chypa a châ. Siku pahy tita, siku hro lâpazy rai awpa a châ

Riahpaipazy lâta relief raina

Rakhine rân liata chariah adyuhna vâta riahpaipazy nata niedo rairuna atyhp a odyh (106), maluh (482) châta MEC ta Lutheran World Federation (Myanmar) tawhta deichhyna eima hmô. Chazy tawhta Yangon liata achhaipa Asho awnanopa châta Ks. 564,800/- Ann liata Asho awnanopa châta Ks. 31,87,400/- nata Paletwa area (Mara+ Khumi) châta Ks. 67,43,000/- raipa a châ. He hawhta deichhyna miah pietuhpa LWF lâta alyna bie eima hlâ.

Covid-19 vâta deichhyna raina

Atakô chhôn Covid-19 vâta eima rânchhôn niedo rairuna atyhpazy châta sapha lâta deichhyna, thokha local church ta Khazohpa ama chhyhna ama pazao lyma thei nawpa ta loud speaker unit, amplifier, microphone, solar plate, battery, sound box zy ama cha lei. He deichhyna he Lutheran World Federation (LWF) nata Finnish Evangelical Lutheran Mission (FELM) tawhta eima hmâpa a châ. MEC local church rairu viapazy lâta he deichhyna piepa a châ. He deichhyna tawhta MCPC lâta Ks. 55,00,000/- pie theipa a châ. He deichhyna tawhta PPE, Masks, sabaw, facial shield nata a hropa Covid-19 avaina liata abyuhpazy chaleipa ta khihto lâta raipa a châ. Local church nata MCPC lâta eima pie theipa zydua cha Ks. 23,485,000/- a châ. Eima rân nata awnanopa kyhpachâ ta, he hawhta deichhyna miah pietuhpazy lâta alyna bie eima reih.

St. Beirahrua (BD) a vaw patlô haw.

Assembly ta B.D eima pachusa haipa St. Beirahrua (Rari) cha Awnanopazy thlahchha kheina vâta hlaotlo kawpa ta BD achuna a vaw patlô haw. Awnanopa liata raihria a pazao hlâta MCPC (Maraland Covid-19 Prevention liata volunteer ta Oct 12 noh ta rai avaw pazao haw.



Awnanopa atyuduana pahnosana

Sawhkha biepiepa hawhta eima Awnanopa ta zawpi apakhyna zy, Sunday achuna zy, chareipakhyna zy chalihsa chypa a châ. Sawhkha ta chyhsa (30) hlâta hlu via ta apahmaoh lei awpa biebia kha November (30) taih a pasisa hapa vâta eima awnanopa chhao local church to lata eima pahnosapa hawhta Nov. 30 taihta cha zawpi ahmaoh lei awpa ta pahnosapa eima châ. He kyh liata Sawhkha tawhta order hropa a y khiah, local church to lâta thlai eima cha vaw pahnosapa aw.

Pastor zy Atyhna (Online)

Myanmar nata rân hropa liata a ypa MEC pastor zy Covid-19 daihti liata chakaona eima khokheipazy, rairuna eima tyhpazy, thlahchha ta adeichhyna zy eima hnei lyma thei nawpa ta Rev. Dr. Si Khaw (AGS: Pastoral) patohpatiapa ta Zoom (Online) ta atyhna ei no hneipa a châ. Oct 14 noh ta ei kha, Oct. 26 noh ta ei kha, ei no hneipa a châ. Cha liata eima khokhei chaipa cha:

Covid-19 daihti liata pastor zy pi ta, Maihsa tawhta thatihpha eima phuah thei khao leipa chhao ta, yna su raopa bia/local châ chyu liata awnanopa hnoh ta eima y chyu awpa; pastor zy châta cha Achhyna o he eima nohto Office châ thei sala, Achhyna o maihsa tawhta noh tato ta zawpi châta thlah eima chha lyma awpa; Chhônkhka chakaona tha patlô lyma awpa; pastor zy cha azaotheipa ta a ypa, mietakuzy moh pahno ta ama sapa nata thlahpa âma ngiahna maihta chakaona a pie theipa eima châ awpa ta khokheinazy reipa a châ.

Pro. Mela cha AEI a kiah hai

Taubu Biatuhpa Pro. Pastor Mela cha CCA ta a patohpatiapa Asia Ecumenical Institute (AEI) cha online ta Haka local church-basedpa ta a kiah hai. He training he Nov. 1-30 taihta kia awpa a châ aw. Thlachha bao chyu ei suh vy.

Râh Nôpawpazy khitlyna nata thatih

1. Moderator Rev. Victor Ve U cha chhônkhka vaih awpa ta Oct. 9, 2020 noh ta Hakha lâ a thao haw.
2. Rev. Dr. Si Khaw cha Covid-19 vâta Yangon liata a y chy. Office a vaw tlô thei nawpa ta thlachha bao ei suh vy.
3. Rev. Lathai (Mission Director) cha August liata Matupi lâ akhy ualua ta Covid-19 vâta a yna su lâ pangai thei mah vei. Thlachha bao ei su y.
4. Treasurer Machâ Zasaw cha MEC car paryhsapa la awpa ta Oct. 30 noh ta Matupi lâ â thao haw.
5. Rev. Khâkô (Leika Biatuhpa) cha cancer pasana vâta thohna ei (10) ama ryh haw. Liahsa a vaw tlah hawpa vata thata eima lykhei.

Pahnosana

1. 2020 kô liata KHP Sunday noh cha December (6) a châ aw. He noh daihti pha kawpa ta amâ hmâ thei nawpa ta program phapa nata deichhyna phapa vaw hneikhei chyu teh u.
2. TPA-SDTC patohpatiapa ta Dec. 7-12, 2020 nohzy liata Lialaipi liata နိုဝင်ဘာလ: nata မွေးမြူရေးသင်တန်း: hnei awpa a châ. Akia khohpa maih Director Machâ

3. Zaphetha nata azaona hnei awpa ta a châ aw. Mo (20) châta su a y. Phone 09773622051 a châ.
4. MEC ta thla thô ta ei kha lyma “Krizypha Tlaawna (KTA)” a papua. Bu kha ta Ks. 500/- (kô khata Ks. 2000/-) a châ. Ahyrai apazao khohpa maih Pro. Serô (KHP Secretary) lâta moh pangia awpa a châ aw.

October liata miah pahâsaipazy

October chhôn liata miah a pahâsaipazy chhônkhka Awnanopa ta thata eima taokhei. Ama siesai chhônkhka châta thlahchha bao lyma ei suh u.

1. Mc. Ke U (Meithiepaw, kô 60) Sôsaih (Old) local church Secretary cha pavyh pasâna vâta Oct 7 noh liata Khazohpa hnohta miah pahâsai haw.
2. Puhpa Lairô (kô 27: Ngephepi) Oct 8 noh ta khizaw rietheina hnôhchhyhpa ta a pahâ haw.
3. Pupa Bievai (Biekôthiepaw: kô 40, Ohmopi) cha Rihphieh pasâna vâta Oct 17 noh ta chhônkhka siesai ta taotuhpa Khazohpa hnohta miah pahâsai haw.
4. Pupa Hliesôpaw (Sabyh) cha sapa tlahleina vâta Oct 20 noh ta taotuhpa hnohta miah siesai haw.
5. Puhpa Daw E paw (Sizo) cha Oct 21 noh ta Khazohpa hnohta mia siesai haw.
6. Pupa Vaihmô (Sabawngpi) cha noh hlupi tlâhleipa ta Oct 22 noh liata chhazaw khihnarâh lâ mia siesai haw.
7. Pupa Sahlu (kô 30, Rari) cha chhônhlâ tlâhleina vâta Hakha thohna o liata Oct 25 nohta chhônkhka nô nata saw (3) siesai ta miah a paha sai haw.
8. St. Retlo (kô 49, Ngephepi) cha Malaysia liata Blood Cancer pasana vâta Oct 27 noh liata he a paha haw.
9. Pupa Khaibie (Lelai) cha Bike Accident vâta Malaysia liata sawchapaw pakha nata a lahpinô hnohchhyhpa ta Oct. 31 noh liata Khazohpa hnohta mia siesai haw.
10. Pinô Lizei (Khaiunô, 78, Patheitla) cha Rakhine râh Maan Aung khieh liata Nov. 1 noh ta a paha haw.

Office liata châbu zuapazy

- | | |
|-----------------------------|------------|
| 1. Krizypha Hlabu | Ks. 4500/- |
| 2. Chicheina Bu | Ks. 2000/- |
| 3. Chanôzy Thatih | Ks. 2500/- |
| 4. Mission Noh alaichadaina | Ks. 500/- |
| 5. MEC Rules | Ks. 2000/- |
| 6. Mara Dictionary | Ks. 7000/- |
| 7. MEC Chakaona Bu | Ks. 1000/- |